

**Nukissamik pilersuineq pillugu Inatsisartut peqqussutaasa allanngortinneqarnera  
pillugu Inatsisartut inatsisaat nr. xx, xx. xxx 2017-imeersoq siunnersuut  
(Ataasiakkaarluni kiassarnermut uuttuutit)**

*(Saqq.: Inuussutissarsiornermut, Suliffeqarnermut, Niuernermut Nukissiuuteqarnermullu  
Naalackersuisoq)*

**pillugu**

**Sanaartornermut ataatsimiititaliap**

**ISUMALIUTISSIISSUTAA**

**Siunnersuutip aappassaaneerpeqarneranut tunniunneqartoq**

Suliarineqarnerani ataatsimiititaliaq ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqtigiit, siulittaasoq  
Inatsisartunut ilaasortaq Jens-Erik Kirkegaard, Siumut, siulittaasup tullia  
Inatsisartunut ilaasortaq Pitsi Høegh, Siumut  
Inatsisartunut ilaasortaq Jess Svane, Siumut  
Inatsisartunut ilaasortaq Villy Olsvig, Inuit Ataqtigiit

UKA 2017-ip nalaani ull. 5. Oktober 2017 siullermeerereermermi siunnersuut  
ataatsimiititaliamit misissorneqarpoq.

**1. Siunnersuutip imaa siunertaalu**

Siunnersuut Inatsisartut aalajangiiffigisaannik (UPA 2016/053-imik) nangitsineruvoq, tassani pineqarlutik inissianut pioreersunut kiassarnermut uuttuutunik ataasiakkaanik ikkussuinermi imminut akilersinnaanerpaaq pillugu Naalackersuisut nassuiaasioqquneqarnissaat, kiisalu kissarsuuteqarfiit kiassaateqarfiillu tamaasa Nukissiorfinnut tunniunneqarnissaat pillugu piffissalersuinerмик suliaqartoqaqqusineq.

**2. Siunnersuutip Inatsisartuni siullermeerneqarnera**

Oqaaseqaatini tamani takuneqarsinnaavoq siunnersuut akuersaarneqartoq. Kiassarnermili akiliutit inissiaatileqatigiiffinnit Nukissiorfinnut nuunneqarneranni attartortunut sunniutaasussat pillugit itisileeqqusisoqarpoq, kiisalu innuttaasut attartortumit

piginnittuunermut aaqqissuussineq tunngavigalugu inissiamik pisisimasut ilanngunneqarnissaat periarfissaanersoq misissoqquneqarpoq, taamaalillutik taakku aamma ataasiakkaarlutik akiliuteqartarnissaminnut isumannaarunneqarsinnaaqqullugit.

### **3. Tusarniaanermi akissutit**

Tusarniaanermi akissutit inatsisissatut siunnersuummut tapiliunneqarsimapput, tamannalu Inatsisartut Siulittaasoqarfianit ilusiliinissamut piumasaqaatinut naapertuuppoq.

Tamatuma saniatigut tusarniaanermik piffissarititaasoq sap. ak.-ri sisamat sinnerlugit siviussuseqarpoq, tamannalu naammaginartutut isumaqarfigineqarpoq, periusissatullu naatsorsuutigineqartumut naapertuuttuulluni.

Naalackersuisunit pingaarnersiutinertut naliliisarnerinut tunngavittut toqqarneqarsimasoq naapertorlugu inatsisissatut siunnersuummut tusarniaanermi akissutit issuarneqarput.

### **4. Siunnersuutip ataatsimiititaliamit suliarineqarnera**

Siullermeerinermi matusisarnermi ammaasseqqinnermilu Nukissiorfinnit akitsuutit (gebyrit) pillugit Inatsisartunit apeqquteqartoqarpoq.

Nukissiorfinni kiassarneq pillugu niueruteqarnermi piumasaqaatit Sanaartornermut ataatsimiititaliamit misissorneqarput.

Innaallagissamut imermullu atorneqartaraluartoq, Nukissiorfiit matusisarnermi ammaasseqqinnermilu akitsuutit kiassarnermut atugarinngilai.

Tamatuma saniatigut misissoqquneqarpoq, inissiat namminerisamik pigisat attartortuunermi piginnittuunermut aaqqissuussinermi pisiasut pigineqatigiillunilu inissialiat kiassarnermut uuttuutunik ataasiakkaanik ikkussuinermi ilanngunneqarsinnaanersut. Illuut A/S-ip tusarniaanermi akissutaanut Naalackersuisut akissutaat ilimanarsisitsivoq illuutini aalaakkaasuni assigiinngitsunit pigineqartuni namminerisamik piginnittunik arlaatigut isumaqatigiissuteqarniarluni oqaloqateqarnissamut Naalackersuisut periarfissaqarnissamut ammasut.

Sanaartukkanik pigisallit aamma kiassanermik pilersuisuusut akornanni niueruteqarnermi piumasaqaativiit tunngavigalugit tamanna qulaajarniarneqalermat ataatsimiititaliamit naammagisimaarneqarpoq.

## 5. Siunnersuutip aningaasatigut kingunissai

Siunnersuutip piviusunngornerani aningaasatigut kingunissai siunnersuutip nassuiaatitaani allaaserineqarsimapput.

Tassani allassimavoq inissiani qitiusumit imermik kiassarnermillu pilersorneqartuni (inissiani 2.979-iusuni) kiassarnermik uuttuutunik ataasiakkaanik pilersitsinermi akissaajaatit 50 mio. kr.-t missaaniittussat naatsorsorneqarsimasut, taakkulu Nukissiorfiit-mit aningaasalersorneqarnissaat naatsorsuutigineqartoq. Kiassarnermik uuttuutit ukiuni 15-ini atasinnaanerit naatsorsuutigalugu aallaavigalugulu atuisut ataasiakkaat agguaqatigiissillugu qaammammut atuinnermut akiliuteqartarnerisigut pilersitsinermi akissaajaatinik atuisunut ataasiakkaanut aningaasalersuinerup Nukissiorfinnit ingerlateqqittarnissaa naatsorsuutigineqarpoq.

Kiassarnermik uuttuummik ataatsimik ikkussuinermi akissaajaatit 1.700 kr.-iussasut Rambøll-imit missingerneqarpoq. Ikkussuinermi akissaajaatit inissiaatileqatigiiffinnit aningaasalersorneqarnissaat naatsorsuutigineqarpoq, akissaajaatillu taakku ineqarnermut akiliutit qaffaaffigineratigut attartortunut ataasiakkaanut ingerlateqqinneqassapput.

Rambøll siunnersuivoq, ataasiartamik akissaajaat uuttuummut ataatsimut 1.700 kr.-iusoq ukiunut 15-inut agguarneqassasoq, taamaalilluni akiliut ukiumut 113,33 kr.-iussaaq imaluunniit qaammammut 10 kr.-t missaat inulaassallugu.

Ataatsimiititaliattaq maluginiarpaa, inatsisissatut siunnersuutip nassuiaatitaani allaqqasortoq kiassarnermik nioqquteqartuusut kaaviaartitaat 10-17 mio. kr.-t missaannik annikilleriarnissaat naatsorsuutigineqartoq. Tamatuma saniatigut avatangiisinut akitsuutip akilerneqartartup annikillineratigut Nunatta Aningaasivia annikinnerusumik annaasaqassaaq. Taamaattorli isiginiagassaavoq taamatut kiassarnermik nioqquteqartartuusut Nunattalu Aningaasiviata annikinnerusumik isertitaqartarnerat attartortunut kiassarnermillu pilersorneqartunut annikinnerusumik akissaajaateqartarnerannik kinguneqassasoq, taamaalillunilu taakkua atugarissaarnerulernissaannik kinguneqassasoq.

Tamanna tunngavigalugu siunnersuutip aningaasatigut kingunissai pillugit allatut naliliinissamut ataatsimiititaliaq pissutissaqanngilaq.


Naalakkersuisut aningaasatigut kingunissai sukumiisumik misissorsimagaat ataatsimiititaliap tatigivaa, aningaasatigullu sunniutaasinnaasut allat pilersinnaajumaassanngitsut.

Naatsorsuutiginngisamilli siunnersuut pisortat aningaasiviinut aningaasartuutunik amerlanerusunik malitseqassappat, aningaasartuutit taakku aningaasaliissutaareersunit akilerneqartariaqassapput, tamannalu pissappat suliniutit allat annikilliliiffigineqarnerannik kinguneqartariaqassaaq.

## **6. Ataatsimiititaliap inassutai**

Ataatsimiititaliap isumaqatigiittup tunngavilersuutitut taaneqartut tunngavigalugit siunnersuut akuerineqassasoq inassutigaa.

Taamatut oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.



Bendt B. Kristiansen,  
Siulittaasoq



Jens-Erik Kirkegaard,  
Siulittaasup tullia



Jess Svane



Pitsi Høegh



Villy Olsvig